



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

15 DISEMBER 2021 (RABU)



KEMENTERIAN PERDAGANGAN DALAM NEGERI
DAN HAL EHMAL PENGGUNA

KERATAN AKHBAR DAN MEDIA ONLINE (KPDNHEP)

15 DISEMBER 2021 (RABU)

Harga barangan pengguna mula turun, stabil

Harga barangan pengguna mula menunjukkan penurunan dan dijangka stabil pada pertengahan suku pertama tahun depan iaitu penghujung Januari atau Februari ini.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi, berkata kestabilan harga itu akan menerima kesan positif daripada pembukaan dan pemulihan ekonomi dunia pada 2022.

Katanya, Program Jualan Keluarga Malaysia (PJKM) dilihat memberi impak positif apabila barang keperluan harian seperti ayam, ikan, telur, sayur-sayuran, minyak masak, gula, tepung, beras serta barangan proses dijual dengan harga sehingga 20 peratus lebih rendah berbanding harga pasaran setempat.

"Antara barang yang menda-pat permintaan tinggi dan habis dijual adalah ayam, telur, ikan dan minyak masak, selain barangan keperluan harian yang

lain seperti sayur-sayuran, beras, gula dan tepung," katanya dalam kenyataan media semalam.

Beberapa tindakan serta inisiatif dilaksanakan KPDNHEP termasuk pelaksanaan Penguatkuasaan Ops Menu antara 6 November hingga 31 Disember ini, Ops Pasar antara 27 November hingga Ahad lalu.

Ia termasuk Inisiatif Membantu Rakyat, Program Jualan Keluarga Malaysia (PJKM) bermula Disember hingga Mac 2022), Inisiatif Kawalan Harga, dan Skim Harga Maksimum Keluarga Malaysia (SHMKM) bermula 7 hingga 31 Disember ini.

Sementara itu, Menteri Pertanian dan Industri Makanan, Datuk Seri Dr Ronald Khandee, berkata bekalan ayam tempatan dalam pasaran juga dijangka stabil menjelang Februari ini.

Beliau berkata, jaminan itu diperoleh pihaknya menerusi sesi libat urus Jabatan Perkhidmatan Veterinar (JPV) dengan



Alexander Nanta Linggi pada Persidangan Dewan Negara di Bangunan Parlimen, semalam.
(Foto BERNAMA)

penggiat industri penternakan ayam tempatan.

Beliau berkata, penggiat industri penternakan ayam tempatan memberikan komitmen untuk meningkatkan kapasiti pengeluaran selaras dengan permintaan semasa.

"Kekurangan bekalan ayam di pasaran antara lain disebabkan peningkatan permintaan mendadak selepas pembukaan semula sektor ekonomi bermula pada Oktober lalu.

"Disebabkan Perintah Kawalan Pergerakan (PKP), pihak industri mengurangkan pengelua-

ran ayam tempatan dan keadaan ini menjadi kritikal apabila ekonomi dibuka dan permintaan ayam bertambah.

"Ayam memerlukan dua bulan untuk ditenak dan digunakan. Maknanya ada sela dua bulan menyebabkan kekurangan bekalan ayam.

"Sebabkan itu, berdasarkan libat urus kita dengan pihak industri, mereka meyakinkan kita bekalan ayam akan menjadi stabil selepas Februari ini, dengan proses penternakan lebih dilakukan pada ketika ini," katanya di Dewan Rakyat.



HARGA purata ayam bersih standard di seluruh negara turun daripada RM9.21 kepada RM9.04 sekilogram.
- GAMBAR HIASAN

Susulan penguatkuasaan KPDNHEP di seluruh negara

Trend harga barangan keperluan menurun

Oleh **MOHD. HUSNI MOHD. NOOR**

PUTRAJAYA — Kementerian Perdagangan Dalam Negeri dan Hal Ehwal Pengguna (KPDNHEP) mendapati harga barangan keperluan di seluruh negara mula menunjukkan trend penurunan.

Menterinya, Datuk Seri Alexander Nanta Linggi berkata, ia berdasarkan maklum balas diterima melalui operasi pemantauan harga dijalankan Pegawai Pemantau Harga di 72 pejabat cawangan KPDNHEP seluruh negara.

Beliau berkata, harga purata ayam bersih standard turun daripada RM9.21 kepada RM9.04 sekilogram, telur ayam gred B

(30 biji) telah turun RM12.67 kepada RM12.62 dan sayur-sayuran telah turun sebanyak 4.26 peratus hingga 17.47 peratus hasil daripada pematuhan premis.

"Trend penurunan harga itu berlaku hasil pelbagai usaha dan tindakan proaktif diambil KPDNHEP dalam menangani isu kenaikan harga barangan keperluan dan tindakan itu dimulakan sejak awal Disember.

"Antaranya Ops Menu, Ops Pasar, Inisiatif Membantu Rakyat, Program Jualan Keluarga Malaysia (PJKM) dan inisiatif kawalan Skim Harga Maksimum Keluarga Malaysia (SHMKM)," katanya menerusi kenyataan

semalam.

Katanya, pelaksanaan PJKM turut memberi impak positif di mana barangan keperluan harian dapat dipasarkan pada harga sehingga 20 peratus lebih rendah daripada harga pasaran setempat.

Jelasnya, sambutan diterima daripada pengguna bagi PJKM amat menggalakkan dengan pengunjung seramai 28,985 orang dan hasil jualan RM423,844.06.

Tambahnya, pihaknya mengunjurkan kestabilan harga dapat dicapai pada pertengahan suku pertama 2022 iaitu pada penghujung Januari atau Februari 2022.

Dua peniaga dikesan naikkan harga brokoli, cili merah



KPDNHEP Negeri Sembilan menerusi Ops Sayur 2021 mengesan tindakan dua peniaga yang mencatut harga sayur.

SEREMBAN – Kementerian Perdagangan Dalam Negeri dan Hal Ehwal Pengguna (KPDNHEP) mengesan dua peniaga yang melakukan kesalahan mencatut harga sayur-sayuran menerusi Ops Pasar 2021.

Ketua Pegawai Penguat Kuasa KPDNHEP Negeri Sembilan, Abd. Muis Samsudin berkata, menerusi operasi yang dijalankan bermula 27 November hingga 12 Disember lalu, sebanyak 34 notis telah dikeluarkan kepada para peniaga di dalam rantalan pengedaran sayur-sayuran di Negeri Sembilan.

"KPDNHEP mengeluarkan 17 Notis Pengesahan Maklumat Barangan/Perkhidmatan dan 17 Notis Bertulis di bawah Seksyen

21 Akta Kawalan Harga dan Antipencatutan 2011.

"Daripada keseluruhan notis itu, dua peniaga disyaki melakukan kesalahan mencatut di bawah Seksyen 14 (1) Akta Kawalan Harga dan Antipencatutan 2011," katanya dalam kenyataan semalam.

Menurutnya, peniaga pertama dikesan melakukan kesalahan itu bagi sayur brokoli yang ditawarkan di premisnya.

"Hasil analisis mendapati kos yang terlibat dalam pembekalan item ini didapati menurun, namun harga yang ditawarkan bagi setiap kilogram brokoli kekal.

"Ini menyebabkan peratusan margin meningkat 4.37 peratus daripada peratusan keuntun-

gan maksimum yang dibenarkan pada tahun semasa," katanya.

Jelasnya, peniaga kedua pula dikesan melakukan kesalahan bagi cili merah minyak di mana peratusan keuntungan maksimum yang direkodkan adalah sebanyak 53.9 peratus berbanding peratusan keuntungan maksimum tahun semasa yang dibenarkan iaitu 44.01 peratus.

"Sehubungan itu, dua kertas siasatan telah dibuka dan jika sabit kesalahan boleh didenda maksimum RM500,000 bagi perbadanan atau syarikat dan sehingga RM100,000 bagi individu atau dipenjarakan tidak melebihi tiga tahun atau kedua-duanya sekali," katanya.

ADUN bawa ayam masuk Sidang DUN

Bertujuan tegur exco berkaitan ketika sesi perbincangan Bajet 2022 Perak

Oleh SAIFULLAH AHMAD

IPOH

Dewan Undangan Negeri (DUN) Perak pada Selasa dikejutkan dengan tindakan wakil rakyat, Muhamad Arafat Varisai Mahamad (PKR-Hulu Kinta) yang membawa seekor ayam segar ketika sesi perbincangan Bajet 2022 Perak.

Muhamad Arafat menjelaskan tindakan itu dilakukan bagi menegur Razman Zakaria (Pas-Gunung Semangol) yang merupakan Exco Perladangan, Pertanian dan Industri Makanan Perak supaya mengambil berat terhadap masalah kenaikan harga barang.

Menurutnya, ayam tersebut dibeli dari sebuah premis di kawasan DUN Gunung Semangol bagi memperlihatkan harga yang tinggi iaitu sebelum 7 Disember lebih kurang RM10 sekilogram dan terkini berjumlah RM9.30 sekilogram berdasarkan harga kawalan musim perayaan yang ditetapkan Kementerian



Muhamad Arafat membuat kejutan dengan membawa ayam ketika sesi perbincangan dalam Sidang DUN Perak pada Selasa.

Perdagangan Dalam Negeri dan Hal Ehwal Pengguna (KPDNHEP).

“Saya nak hadiahkan ayam ini sebab tak ada tindakan yang diambil oleh exco. Saya nak tanya, ada tak dialog diadakan bersama peruncit, pengusaha dan pemborong untuk melihat di mana masalah sebenar kenaikan harga ini?”

“Apa peranan exco, adakah ada tindakan diambil? Saya sendiri buat kerja macam exco contohnya kita panggil pemborong, peruncit dan rakyat untuk dapatkan maklumat di mana salah silapnya di mana puncanya ke arah penyelesaian,” katanya ketika Mesyuarat Kedua, Tahun Keempat Dewan Negeri

SIDANG DUN PERAK

Perak ke-14 di sini pada Selasa.

Tindakan beliau itu juga menarik perhatian beberapa Ahli Dewan Undangan Negeri (ADUN) lain yang mencelah ketika sesi perbincangan tersebut.

Sementara itu, ketika sidang akhbar selepas perbincangan itu, beliau menjelaskan isu harga ayam itu ditujukan kepada Razman kerana kenaikan harga barang berpunca di peringkat ladang.

Menurutnya, disebabkan itu perlu diadakan sesi dialog dengan pengusaha dan mencari penyelesaian dengan mengawal harga di peringkat ladang sama ada pemberian subsidi atau sebagainya.

FOTO: BERNAMA

Padah jual brokoli, cili merah terlalu mahal

SEREMBAN - Kementerian Perdagangan Dalam Negeri dan Hal Ehwal Pengguna (KPDNHEP) Negeri Sembilan telah mengeluarkan notis terhadap dua peniaga sayur yang disyaki melakukan kesalahan mencatut.

Ketua Pegawai Penguat kuasa KPDNHEP Negeri Sembilan, Abd Muis Samsudin berkata, peniaga terbabit dikenakan tindakan dalam Ops Pasar Sayur-Sayuran yang dilakukan pada 27 November sehingga Ahad lalu.

"Peniaga pertama didapati tidak menurunkan harga sayur brokoli yang dijual di premisnya sedangkan kos pembekalan item itu didapati menurun.

"Ini menyebabkan peratusan margin meningkat sebanyak 4.37

peratus daripada peratusan keuntungan maksimum yang dibenarkan pada tahun semasa," katanya dalam satu kenyataan pada Selasa.

Menurut beliau, peniaga kedua pula didapati menerima keuntungan maksimum bagi jualan cili merah minyak lebih tinggi iaitu 53.9 peratus berbanding keuntungan maksimum tahun semasa dibenarkan iaitu 44.01 peratus.

Ujar beliau, dua kertas siasatan telah dibuka terhadap dua peniaga berkenaan di bawah Seksyen 14 (1) Akta Kawalan Harga dan Antipencatutan 2011.

"Jika sabit kesalahan, mereka boleh didenda sehingga RM500,000 bagi perbadanan atau syarikat dan sehingga

RM100,000 bagi individu atau dipenjarakan tidak melebihi tiga tahun atau kedua-duanya sekali.

"Tindakan pemantauan berterusan dilakukan melalui operasi ini dilihat memberi kesan positif berikutan hasil pemantauan susulan mendapati kedua-dua premis ini telah menurunkan harga bagi sayur-sayuran tersebut," katanya.

Abd Muis berkata, secara keseluruhan sebanyak 34 notis dikeluarkan sepanjang operasi dilakukan iaitu 17 notis di bawah Pengesahan Maklumat Barangan/Perkhidmatan dan 17 notis bertulis di bawah Seksyen 21 Akta Kawalan Harga dan Antipencatutan 2021 terhadap rantaian pengedaran sayur-sayuran di Negeri Sembilan.

Harga stabil pada suku pertama 2022

Terima kesan positif pembukaan, pemulihan ekonomi dunia, Program Jualan Keluarga Malaysia beri impak positif

Oleh Samadi Ahmad
am@hmetro.com.my

Putrajaya

Kestabilan harga barangan dijangka dapat dicapai pada pertengahan suku pertama tahun depan.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, kestabilan harga itu akan menerima kesan positif daripada pembukaan dan pemulihan ekonomi dunia pada 2022.

Katanya, Program Jualan Keluarga Malaysia (PJKM) dilihat memberi impak positif apabila barangan keperluan harian seperti ayam, ikan, telur, sayur-sayuran, minyak masak, gula, tepung, beras serta barangan proses dijual dengan harga sehingga 20 peratus lebih rendah berbanding harga pasaran



Antara barangan yang mendapat permintaan tinggi dan habis dijual adalah ayam, telur, ikan dan minyak masak selain barangan keperluan harian yang lain seperti sayur-sayuran, beras, gula dan tepung"

Alexander

setempat.

"Antara barangan yang mendapat permintaan tinggi dan habis dijual adalah ayam, telur, ikan dan minyak masak selain barangan keperluan harian yang lain seperti sayur-sayuran, beras, gula dan tepung," katanya melalui satu kenyataan media, semalam.

Sejak awal Disember lalu,

kerajaan mengumumkan pelbagai usaha dan tindakan proaktif dalam menangani isu kenaikan harga barangan keperluan.

Beberapa tindakan serta inisiatif dilaksanakan KPDNHEP termasuk pelaksanaan Penguatkuasaan Ops Menu antara 6 November hingga 31 Disember ini, Ops Pasar antara 27 November hingga Ahad lalu.

Inisiatif Membantu Rakyat, Program Jualan Keluarga Malaysia (PJKM) bermula Disember hingga Mac 2022, Inisiatif Kawalan Harga, dan Skim Harga Maksimum Keluarga Malaysia (SHMKM) bermula 7 hingga 31 Disember ini.

Beliau berkata, KPDNHEP menjangkakan langkah itu bakal memberi kesan kepada kestabilan harga barangan keperluan pasaran domestik.

Alexander berkata, se-

hingga kini, sambutan diterima daripada pengguna bagi program itu menggalakkan dengan membabitkan 28,985 pengunjung dan hasil jualan RM423,844.06.

Menurutnya, menerusi maklum balas yang diterima melalui operasi pemantauan harga yang dijalankan oleh Pegawai Pemantau Harga di 72 pejabat cawangan KPDNHEP seluruh negara, Kementerian itu mendapati harga barangan keperluan sudah mula menunjukkan trend penurunan.

Alexander berkata, Kementerian akan terus memantau, mengambil tindakan penguatkuasaan dan menilai situasi barangan keperluan utama pengguna.

Katanya, pelaksanaan SHMKM serta Ops yang dilaksanakan juga akan dinilai pelaksanaannya dan dilanjutkan atau diperluaskan mengikut keperluan.



KEMENTERIAN akan terus memantau, mengambil tindakan penguatkuasaan dan menilai situasi barangan keperluan utama pengguna.

A fowl display to drive home a point

By MANJIT KAUR
manjit@thestar.com.my

IPOH: He did not pull a rabbit out of the hat, but an assemblyman nevertheless caused gasps of astonishment at the Perak state assembly when he held up a slaughtered chicken during a debate on poultry prices.

Muhammad Arafat Varisai Muhammad (PKR-Hulu Kinta) stunned those present in the House yesterday when he suddenly took the chicken out of a plastic bag placed next to him.

Holding the chicken by its head, Muhammad Arafat started talking about the price increase of chickens and how consumers were suffering.

And he made it clear that the bird cost him at least RM10 per kg, saying that he had the receipt as proof.

As he spoke, other assemblymen interrupted with remarks such as "put down the chicken" and "go back and make rendang".

Some of the Yang Berhormat were heard laughing as well.

At one point, Sungai Rapat assemblyman Datuk Seri Mohammad Nizar Jamaluddin of Parti Amanah Negara, who was seated nearby, got up and went over to "inspect" the chicken.

He appeared to have asked the PKR assemblyman about the chicken, prompting Muhammad Arafat to remark: "Do you want a chicken? Ayam hidup. It's not plastic."

Mohammad Nizar merely returned to his seat after that.

According to Muhammad Arafat, he brought the slaughtered bird into the state assembly as he wanted to highlight the issue of chicken prices.

He claimed that he had not seen any effort from the state administration to deal with the situation, saying that the state executive council had not held meetings with retailers and entrepreneurs to get to know the real problem.

The authorities, he said, must do something about it.

"Since the start of the state assembly last Friday, the state executive council member's explanation is not convincing," Muhammad Arafat said, referring to plantations, agricul-



Stunning move: Muhammad Arafat holding a chicken during a debate on poultry prices at the Perak state assembly in Ipoh. — Bernama



ture and food industry committee chairman Razman Zakaria.

"There are no concrete plans or drastic action to resolve the issue, so I brought a 'special gift' purchased from the exco's constituency of Gunung Semanggol.

"There is a receipt as well, which shows it

costs more than RM10 per kg," Muhammad Arafat said when debating the state budget for next year.

It was reported on Monday that the Keluarga Malaysia Maximum Price Control Scheme is in effect nationwide until Dec 31 as part of the government's efforts to stabilise the price of essential goods and ensure adequate supply.

Domestic Trade and Consumer Affairs Ministry enforcement director Azman Adam had said that 12 items listed in the scheme include three categories of chicken, three grades of chicken eggs and some vegetables.